

淨塔李臺 綠羅大千 眇奉九醜 韶誼綠蓮  
 雲上九都 飛生自騫 那育郁馥 摩羅法輪  
 靈持无鏡 攬筵運容 馥朗廓奕 神纓自官  
 刀利禪猷 婆泥咎通 宛數滌色 太眇之堂  
 流羅梵萌 景蔚蕭嶠 易邈无寂 宛首少都  
 阿縕郁竺 華莫延由 九開自辯 阿那品首  
 无量扶蓋 淨羅合神 玉誕長桑 栢空度仙  
 攬无自有 九日導乾 坤母東覆 形攝上玄  
 陀羅育邈 眇然含雲 飛天大醜 總監上天  
 沙陀劫量 龍漢瑛鮮 碧落停黎 空歌保珍  
 惡矣无品 洞妙自真 元梵懷漢 幽寂度人  
 引魂上生天尊

切以玉華散景火樹合花以永今夕金液鍊  
 形玉眸冶質允適其時制魔專伺保迎眾真  
 悉臨監度切惟亡過某若不歸根復命何由  
 入聖超凡須知否極泰來即是陰消陽長豈  
 止一身受度就同七祖昇遷瞻彼朱陵請移  
 玉趾勿可謂宿緣宜會勿可謂遇法當傳二  
 三其德則五帝書名進退其心則三官鼓筆  
 蓋道寶經寶師寶起寶座而五色空淨及天

仙地仙水仙擁仙仗而一時同至切須端拜  
 諦聽法言靈識如存俯從引導  
 引至鍊度壇 朝參  
 白亡受鍊  
 道法會元卷之二百四



道法會元卷之二百五

金火天丁陽芒鍊度儀

道眾序立 洒淨

鍊師建壇 眾宣

東望扶桑宮稽首朝鬱儀太陽洞明景寒寒

何所思今我拜金色候天望英姿皇華將玉

女臨軒降此時

師步南斗火鈴罡至火治 密咒

魁魁魁魁魁救攝火鈴童子太陽赫赫幽

夜顯光死魂即活一如流金火鈴律令

密念淨天地咒一遍以劔於火池畫卦

噴水存變 宣主火牒

玉眸鍊質天尊 眾宣

仰望額八表惟月孕陰精中有太素皇夫人

駕綠軒耀華光二極混明照三清慈懃求至

道五色下來迎

師步北斗玄樞罡至水池 密咒

魁魁魁魁魁救攝金英玉女白虎飛翊

嘯動風生幽魂飛越一如流金火鈴律令

密念淨天地咒一遍以劔於水池畫卦

癸水存變 宣主水牒

黃華蕩形天專

法師召將 宣主錄牒

知爐請師登座祝香

香林說法天尊 下靜尺

返生靈香飛烟結篆諸天諸地氤氳普遍委  
炁聚功亡魂受鍊一切含靈俱登道岸  
具位臣某夔此真香騰空供養

虛无大道七寶天帝神霄真王統天元聖天  
尊碧霄華王尋聲救苦天尊丹霄韓王朱陵  
度命天尊東華木公上相西真金母元君九  
天生神上帝十四度人天尊紫皇教主玄天  
上帝靈寶教主顯佑真君鍊度教主冲應真  
君黃籙教主妙濟真君諸天省院高真三官  
三聖四師真君黃籙院三佐真人請因說法  
教主火師白洞靈安汪真君宗師玉真教主  
妙濟普化天師林真人左元真伯張真人瓊  
瑤金闕陳真人左執法君薛真人六陰洞微  
仙卿虛真人虛元統化真卿徐真人火鈴仙  
卿劉真人神霄歷代傳教宗師神霄金火天

丁火鈴妙帥火鈴主鍊仙官火鈴玉册仙官  
神霄解罪救苦度魂仙官九斗陽芒流金火  
鈴大將解冤釋結大將軍九霄生化運真玉  
童火旺大丹玉童育陽將軍金生太素玉童  
含陰將軍破穢青腰太和玉女承差追攝拯  
濟鍊度監臨侍衛宣通召命諸司帥將十方  
三界證監神祇伏願三真玉女九華金娥列  
仙仗以奔馳捧天韶而和奏流金擲火來降  
靈壇走電奔雷齊臨法席鑒今虔懇廣運慈  
悲伏聞神霄玉帝降臨庭霄度之天火師真  
君侍碧玉翠鸞之座頒行符簡濟度幽冥所  
居者九霄玉清之天所攝者朱陵天府之治  
上宮主鍊下宮受度全資元始之金光北斗  
鑄魄南斗陶魂俱藉神霄之梵炁仍降陽芒  
寶篆以懸陰府幽儀今據入意切慮學誦寶  
凡功微德薄未明玄奧難遂感孚願降道炁  
千重下臨壇席祥光萬道密布符章俾所鍊  
亡魂即諧超化全憑妙造成就善功干冒慈  
悲臣下情無任瞻天望聖激切屏營之至謹  
言 師就座

南上受鍊天尊  
焚召天丁符飛南斗入火冶  
謹召金火天丁火鈴主鍊仙官請降  
日宮太陽炎光上帝南斗六司陶魂星君臣  
謹遵師訓溥周一念之慈悲爰按仙科用歲  
今時之鍊度以今建玉眸鍊質之沼鍊齊壇  
陰翳之魂仰冀恩光俯流真炁庶得亡魂受  
度萬化成生所有真符謹當告下  
焚真火符二道化火冶 衆宣  
南炎洞浮玉眸說說梵形落空九靈推前學  
洛菩臺綠羅大千眇莽九魄詔詔綠蓮雲上  
九都飛生自騫那育郁馥摩羅法輪靈持无  
鏡攬姿運容馥朗廓奕神纓自宮  
師密念擲火萬里流鈴八街死魂受鍊仙  
化成人九遍吸太陽南斗之先下左玄官  
運上心腑呵自口出入火冶之中存火光  
萬丈  
金光洞照天尊  
焚召天丁符飛北斗入水池  
謹召金火天丁火鈴主鍊仙官請降

謹召金火天丁火鈴主鍊仙官請降

月府太陰皇華夫人北斗七元鑄魄星君臣  
立誓濟人當體好生之德依科闡事輟開度  
化之壇今則立黃華蕩形之池濯黑暗幽囚  
之衆仰冀恩光俯流真炁庶得亡魂受度萬  
化成生所有真符謹當告下

焚真水符二道化水池 衆宣

覆元自育九日導乾坤毋東覆形攝上玄陀  
羅育馳眇炁合雲飛天大醜總監上天沙陀  
劫量龍漢瑛解碧落浮黎空歌保真惡莩元  
品洞妙自真元範恢漠幽寂度人

師密念北都寒池部衛形魂森羅淨淨十  
二河源黃華神水壬癸之精日月吐輝濟  
鍊身形五遍吸太陰北斗之炁下右玄宮  
入腎藏吹自耳出存澄波浩漾

金華普潤天尊 下靜尺

謹召金火天丁火鈴妙帥從官符吏飛行變  
化助吾真靈發運金生火旺之炁會合萬真  
各整威儀伺候壇所當司恭奉  
神霄玉帝妙旨鍊度亡魂仰引鎮排列壇前  
和會形神鍊質成真澄淨六根咸令受度盡

得登真悟道一如流金火鈴律令

火鈴陽明天尊

師雙手掐午文彈離上吸南炁布壇存天  
丁引導衆魂排列壇前

太上元命 无英太微 攝召魂魄 素迴黃旗

速至壇前 鍊胎返尸 昇入无為 舉形仙飛

一如流金火鈴律令

可於此逐一白所鍊亡者名

啓爾亡魂蓋以生而貪著弗悟真乘死入幽  
冥墮於地獄至于斯極良可憫憐幸離黑暗

之鄉速親光明之境以今行火鈴之妙道布

三五之真光混水火之元精全陰陽之正炁

宣揚秘典披蕙真科陶爾沈魂還爾正識各

宜洗心滌慮味道思真自省沈迷赴今鍊度

金光化鍊天尊

宣告壇下受鍊衆魂幽關閉繫久居熱惱之  
中上帝哀矜特軫慈愍之念大慈救苦无量  
度人願玉簡告金符幸沐玄恩離地獄登朱  
陵昇天府好乘妙果做人吾今宣演神霄  
大帝之真科發揮九斗陽芒之秘與混合三

光妙炁化生一體真靈乘此善因即生淨界  
尚慮衆魂宿生今世有十惡彌天之罪有多  
生歷劫之愆或墮鬼區甘與木客泉邪而作  
黨或從魔道願隨廟妖壇怪以為羣迷謬可  
憐超昇無自今有混天霹靂真符為汝破迷  
歸正謹當告下

焚混天霹靂符衆諷視不見我聽不得聞

離種種邊名為妙道三遍

清微澄悟天尊 下靜尺

壇下衆魂劫劫以來私心迷繫冤命相纏債

業未解彼報此此報彼雖恨難消生而死死

而生輪迴無已要知無想無結即色即空莫

把前事榮心好趁良機回首吾有太上解冤

釋結真符謹當告下

焚解冤釋結符衆諷天尊說經教引接於

浮生勤修學無為悟真道自成不迷亦不

荒無我亦無名朗誦罪福句萬遍心垢清

三遍 解冤釋結天尊 下靜尺

謹召金火天丁火鈴妙帥左轉火旺陽華右

旋金生陰液六通萬變五炁化身應念隨機  
顯真散影領帶破穢解冤聚形迴骸起死天  
醫生化一行官君將吏為所鍊亡魂其中或  
有在生之日身嬰疾苦執對冤仇或胎孕未  
產而殞亡或母子既分而喪命或犯法遭刑  
而身首異處或破形殘疾而肢體不全或兵

戈戰鬪以傷生或墻壁傾頽而壓死自刑自  
縊橫夭橫傷諸種亡魂何由解釋吾今准奉  
教科給以九色神膏降以五芽真炁灌注眾  
魂俾有傷即補有損即醫有穢即消有胎即  
下令其身神具足體相完全乘此善因即請  
超度真符告下秘咒宣行

焚諸項極濟符衆宣咒

上帝有敕 降下天醫 五雷主者 六毒神君

混元一炁 景合三清 周環六合 體合自然

醫王聖者 有感通靈 敕命一下 急急奉行

剗死上生天尊

謹召金火天丁同九斗陽芒流金火鈐大將  
混元地二生火大將軍速運日華真火之炁  
南斗離陽之精徑入火冶飛行變化助吾真

靈導引亡魂如法治鍊所有真符謹當宣告

焚陽芒符九芒符化火池衆諷

火鈴炎熾 赤鳥陽明 南斗火官 流耀三清

消陰長陽 福德殊倫 真火大將 太陽之精

隨符運化 普鍊更生一如流金火鈴律令

玉眸鍊質天尊

謹召金火天丁同九斗陽芒流金火鈐大將

混元天一生水大將軍速運月華真水之炁

北斗洞陰之精徑入水池飛行變化助吾真

靈導引亡魂如法灌鍊所有真符謹當宣告

焚陽芒符九芒符化水池衆諷

太白流英 金華發生 月魄陰精 素芒運靈

五香下灌 甘露澄清 普潤一切 咸得全刑

乘此灌鍊 道遠玉京一如流金火鈴律令

黃華蕩形天尊

向來普為衆魂治鍊形軀蕩滌邪穢悉已完

成再伸開召綉衣天信玉神火鈐金童金英

玉女鍊度一行官將持此真符再為亡魂配

合陰陽混融離坎俾得精氣完明形神通貫

表裏洞徹永無障礙隨符超舉即遂逍遙

焚天丁本身符作用去

師叩齒想金鐘響徹三天真王命好生童

子持超化之錄付天丁存天丁駕九色丹

鳳霞光如金輝放真水真火美相玉容翠

髮天丁冠手持五色寶幡上有華蓋九重

子執九色幡持各放真光照幽壤直向地獄

追取冥官恭敬放魂受鍊朝拜真王受錄

立便超昇次衆誦真王誥舉

金容玉相天尊

法師行鍊度之法衆諷

鬱單无量天寶章符第一

上上禪善无量壽天寶章符第二

梵監須延天寶章符第三

寂然兜術天寶章符第四

波羅尼密不驕樂天寶章符第五

洞玄化應聲天寶章符第六

靈化梵輔天寶章符第七

高虛清明天寶章符第八

无想无結无愛天寶章符第九

九鍊生神天尊



法師凝神守一物我俱忘壇下衆魂嚴潔  
端肅以伺昇度

玄虛合太微 元靈空洞中 悠悠飄苦爽

渺渺長夜魂 公子黃寧君 太真无上尊

靈風薄霞景 真光映生門 五玄歸一真

至化三洞根 嬰兒結守胎 和合回靈源

天淵散玄景 制伏諸魔羣 上善導靈杰

閉塞霏散烟 九天命生神 洞章感萬真

帝駕歎兒歌 玄門應三辰 泥丸敷陽磅

高觀返故常 日皇覆月妃 氣象天地交

希夷神內養 梵形鍊精容 上玄攝五形

妙庭藹宗飄 化生元始劫 永處長道遙

仙化成人天尊

向伸鍊度既已圓成莫不祇按玉章法陰陽

判合之炁混融妙道會九金張宿之英體乾

坤造化之壬戌日月交通之妙密依師造曲

荷陶鑄成得化生圓成道果上登東方寶界

太皇黃曾之天然教中有三級俵九真妙戒

為衆演說用作津梁次當傳授符錄以證超

生爾等洗心各宜諦聽

宣傳戒科 如不宣科止宣戒牒  
宣符錄功德牒 或宣四保舉狀

給符錄

執符把錄天尊

宣告壇下受度衆魂蓋聞神霄演教火鈴流

科使仙道之間明令鬼關而閉塞火鈴炎擲

死魂受鍊而萬劫頓消金液漑形生魂超真

而千愆立解有玉簡顯名之福有金書錄姓

之帶徑上玉京便超仙境靈璫響處雲浮物

外之旌幢素曲奏時風送天邊之韶雅天花

亂墜甘露散飛承火鈴妙力之功得玉簡靈

篇之濟乘茲殊勝立獲逍遙更勿沈迷自取

墮落所有元洞玉曆真符謹當告下

焚符於盤中

總朝上帝天尊

奉白壇下受度仙魂各整仙衣齊集壇下絕

除惡念正想傾心皈依

皈依神霄玉清妙道

皈依紫微仙都玉經

皈依雷霆傳教真師

諸位仙魂已聞三寶瓊名九霄玉號想各各

悟味真詮頓成道果切勿皈依魔道有壞一

真今則寶花發就福果修或再當宣召帥靈

如法依科護送

行火鈴大法司告召主鍊金火天丁火鈴妙

帥同南極火鈴宋將軍靈官馬元帥玄都金

龍驛吏火府齋簡童子護送等神速詣壇前

聽宣公牒

宣護送牒

伏請法中將吏鍊吏官君收神歛威歸根復

命回斗罡於天上徹池沼於壇前引領衆魂

如儀辭謝 引亡辭謝

鍊師吹散前燒盤中符灰於空中送魂昇

度直入虛无之境

寶華圓滿天尊

法師炷香叩謝下座而退

道法會元卷之二百五